

208

199

Hed a hed

steriou

Bro-C'hall...



Hed a hed steriou Bro - C'hall...

Kan-bale Bretoned ar Brezel bras,
war eun ton nevez savez gant Alphons Boucher.

Musical score for the first stanza. The lyrics are:
Hed a hed ste rou Bro-C'hall, e maomp o kreiz ar freuz, hed a hed ar Marn, aa Alen, aa

Musical score for the second stanza. The lyrics are:
Moiz hag ar Muiz - Eun tek hou arr, war her pun, ur fu zuill war her shug

Musical score for the third stanza. The lyrics are:
O stouam ouz eun e ne boar, qua se wel jet bis kreuz. Sav, ban nief ar Tran lig,

Musical score for the fourth stanza. The lyrics are:
Lintr a zioch an Ur vor, Bru ziet e goad Braviz war da chen aa he ner!

I

Hed a hed steriou Bro-C'hall, emaomp e kreiz ar freuz,
Hed a hed ar Marn, an Aisn, ar Mozel hag ar Meuz,
Eun tok houarn war hor penn, eur fuzuilh war hor skoaz,
O stourm ouz eun enebour, gwasa weljot biskoaz !

DISKAN

Sav, banniel ar Frankiz,
Lintr a-zioc'h an Arvor,
Rusiet e goad Breiziz
War dachen an henor.

II

Hor spered hag hor c'halon a zo o chom e Breiz,
Hag a gav o magadur e bro goz hon tud keiz,
En hent-se, daoust d'o skuizder, eo e c'hellont herzel
Hag ober d'hon c'horf bale war hent striz ar brezel.

III

Tenn eo ar vuez a renomp aman pemb bloaz a zo
E kreiz an tan, ar vindraill hag ezen ar maro ;
Derc'hel a raïmp beteg penn, daoust d'hor poaniou iskiz,
Laouen ma lintr war ar bed banniel aour ar Frankiz.

IV

Malloz rus, ya, malloz rus, d'ar bobl hag a laero
Gwiriou sakr e amezeg da c'houarn traou e vro,
Rag, abred pe zivezat, ar Gwir a drec'h ar Bed ;
Gant disteroc'h egetan, ar c'hrenfa vez skubet.

V

Bennoz. ya, mil gwech bennoz, d'ar broiou unanet
Ma torront o ereou d'ar boblou chadennet.
Pobl ebed ne dle beza e gwask dindan eun all :
Evel an dud, ar boblou a zo holl kevatal.

VI


Pa vezo anavezet ar gwir en deuz peb den
Da viret yez e Dadou ha da heuill o c'hreden,
Neuze eo e tiskenno ar Peoc'h war an douar,
Hag e chomo, dourn ha dourn, gant ar Justis, he c'hoar.

VII

Dreinded, war ho paradoz, digorit bras an nor
D'hor c'henvroïz a gouezas war dachen an henor,
Ha grit ma vezo Breiziz, en amzeriou da zont,
Evel m'eo bet o zud koz, pôtred vad ha dispont.

Savet e tal an Aisn, deiz gouel an Holl-Zent 1918.

I.-M. PERROT.



Moullerez Ar Gwaziou, Montroulez